

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2512 del 31/08/2023

Traduzione in ladino

Jouf de Fedaa, pea via i lurieres per comedèr e slarièr l “pènt del Peles”

L “pènt del Peles”, su la strèda statala 641 del Jouf de Fedaa l vegnarà metù en segurezza sibie per chel che vèrda la conservazion de la struttura, che ence per arseguirèr l stravardament dal risech de teremoc e levines. En lunesc ai 28 de aost la consegna di lurieres dedant al President de la Provinzia autonoma de Trent Maurizio Fugatti, al Ombolt de Cianacei Giovanni Bernard, al Procurador Giuseppe Detomas e al Conseier Provinzièl Luca Guglielmi. I lurieres i durarà 6 meisc e l cost de l’opera l é de presciapèch 1,5 milions de euro. “L obietif l é chel de miorèr na infrastruttura dassen emportanta per chest teritorie – à despiegà l President Fugatti-. L’opera la servirà per miorèr la segurezza e la efizienza de la rei de la strèdes che mena sun Jouf de Fedaa e sun Marmolèda e che permet ence l coleament col Venet”. Ence l Ombolt Bernard l palesa sia sodesfazion e l disc che chest intervent fat soraldut per la segurezza, l é strategich ence per l svilup turistich del teritorie.

L projet l perveit de mudèr fora la struttura zentrèla che l é anter un pilèster e l auter con una neva de acèl e peton, de fèr su na “parèda” auta 5 metres respet a la strèda, na protezion donca che tegn per mez se cognessa vegnir ju na levina e per stravardèr i auti che passa. L é pervedù ence de slarièr la strèda delaite del viadot da 6 a 7 metres, con n intervent tant su la neva struttura anter n pilèster e l auter che ence sun chela does da les pèrts. L é pervedù ence de renforzèr i doi pilèstres del pènt, metan ju micropèi.

Per duta la regnèda di lurieres, fora che per curc momenc, i auti podarà passèr su una corsia, demò de n vers alternà.

DAC TECNICH - AMINISTRATIVES PRINZIPAI

Projetist e diretor di lurieres: enj. Marco Zanuso

Responsabol del Prozediment: enj. Carlo Benigni

Cost en dut aldò de la basa de apalt: € 2.033.390,06, de chi che € 1.585.584,63 per lurieres tout ite i agravies per la segurezza, e € 447.805,43 per sumes a la leta.

Firma che fèsc i lurieres ZAMPEDRI LORENZO S.R.L. con senta a Perjen (TN), Frazion Viarach col rebas del 6,673% per n cost en dut de € 1.484.822,58 (de chi che € 1.409.272,22 per lurieres e € 75.550,36 per agravies per la segurezza)

Termins: i lurieres i cognarà vegnir fac te 180 dis

DESÈRIA L SERVICE VIDEO <https://shorturl.at/jzI25>

<https://www.youtube.com/watch?v=CwAU-kxVe30&t=2s>

<https://www.youtube.com/watch?v=QYZEnzDETm4>

<https://www.youtube.com/watch?v=7BtoFTJf7uA>

Traduzion di Servijes Linguistics e Culturèi del Comun general de Fascia

(cdt)